





龍頤山房詩集

夏孫桐署

取鮑明遠詩意名之每侍一家  
老結社於此棲霞之志終不可  
也吟侶凋疏芳塵睽阻訂集既  
擊鉢和葆之韻


閩社主謝翔晉安風始昉荷衣溯昔

卑官京師者相約為擊鉢

吟月三四集稱詩香吟社王城實淵

具在月明村道風父引水可流杯

大彭澤橫心



Digitized by the Internet Archive  
in 2010 with funding from  
York University Libraries



龍顧山房詩集卷之四

結霞集上

癸亥

侯官

郭則澐

蟄雲

都下所居有結霞閣焉宸山而枕水以幽邃勝因  
取鮑明遠詩意名之每侍家君與樊山聞公諸  
老結社於此棲霞之志終不可遂是亦吾之澗邁  
也吟侶凋疏芳塵睽阻訂集既竟有餘慨焉

擊鉢和葆之韻

閩社主謝翱晉安風始昉荷衣溯昔游荔香存嗣響

鄉先

輩官京師者相約為擊鉢吟月三四集稱荔香吟社

王城實淵邃萬派勞挹仰客

與佳日期閣對遙嵐敞引水可流杯疊峰如覆盎暑集  
雨洗襟寒吟月窺幌眉笑彭澤攢心類索暹痒限晷儘

矜嚴當歌俱慨慷歡尊北海融談麈東平廣八义每羨  
温四韻詎慙蔣鉅腎且任嘲嗜痂故非强敗或築鯨鯢  
利若剗犀象搜典抽秘思驚名墜凡想蛩吟時嚮壁鵠  
立競觀榜詩箋玉尺量名帖金花仿命中必疊雙變體  
或兼兩樊翁興最豪丁掾神尤朗花分姚魏妍笋爭滕  
薛長殺青待編排浮白恣欣賞獨慙東郭寒同挹西山  
爽叔黨每奉親吉甫合呼丈襜褕鶴共樊縱橫駒掉鞅  
洗耳得鈞韶放眼空北垞折枝俗所耽吾甯取熊掌

詩鐘

之戲吾聞  
謂為折枝

### 養庵新築石檜書巢招同人小集

意行愛暄妍一徑蒙春綠不知雲路深但與花林逐潛



流通略約隱約鳴幽瀑數折露巖扉  
唳鶴聽偏熟退翁澹宕人供客收  
魚菽前游了不殊林罅添新築對山  
散松影春至如初沐漱石坐臨流澗  
泉清可掬身閒野鹿親機靜心猿伏  
歸軒重偃偁有約抱琴宿

黃金臺歌

士何來黃金臺士何有摸金手黃金如山白骨重士至  
豈分臬與鳳致士從隗語絕奇怦然直為黃金動齊庭  
珠履三千人鷄鳴狗盜皆經綸黃金相印大如斗施施  
何異墻間走吁嗟乎祖龍坑儒豈得已游士不死盜不  
止

豐臺芍藥

狼藉殘香卧短籬客來未信是花時東風著意吹紅白  
只與朱門賞折枝

懷舊雜詠

吾道艱虞際孤根覆載中冲和儒者量甯靜大臣風沂

國名非忝甘盤望獨崇杖朝身尚健蹠躩控羸驄

壽州孫文

正師余初入詞館年少氣盛幾為忌者所中賴公力持大體乃免公雖居元輔門庭蕭寂每出未嘗乘肩輿朝貴中僅見也

海內論知己惟公解愛才煩冤吟二鳥清切失三台嘉

祐人文盛元豐黨禍哀淒涼餘葛帔故宅亦蒿萊

長沙張文

達師公自粵學內召嚮用方殷忌者媒孽其間故終身不得入樞幄癸卯會試覆試余卷首行有舛字例不得前列公亟賞余文卒以第一卷呈進揭曉後即詣家君索閱余平日所書殿試卷意在玉成余遵庭訓



未檢呈而彌深知己之感近聞其  
湘中居宅被劫圖書散盡可慨也

斜日傷庚子妖氛蔽九闔艱難臣盡瘁哀痛  
帝蒙塵

劫急燿蘭艾時衰泣鳳麟論文青眼在鶴望一露巾  
福

王文敏師  
公為大司成最久余肄業成均屢叨獎拔  
庚子圍城中晤  
家君談及余錄科文字猶稱賞不置

迨聯軍陷京師公  
竟殉焉時論惜之

往者東河獄名高世已驚風標三館重心力六轡成物

論知孤潔天心鑒質誠中朝人物盡長憶汝南評  
同邑張文

厚師

公先以大挑知縣官東河平反鎮平王樹汶之

獄

庚子廷議與朱漚尹侍郎皆痛陳利害回鑾後舛畫

學制苦心毅力並時無匹余自成均迄進士館咸隸公

門籍每燕見縱論人物少所許可獨於汲引後進不遺

餘力身後追謚

文厚殆無愧色

清時甘乞外蓬轉共江湖交道因君重襟期與世殊見



幾身可晦習遯道終孤劉井空陳迹風塵黯舊都李橘農廉

使傳元君為詞館先輩共事編書處最久先後持節

浙中辛亥春君方陳臬遽引疾歸蓋諗知時事之不可

為而不欲沾

戀高位也

負手長安市驚看白日翻功名春夢短風味冷曹溫忠

愛存詩卷煩憂近酒尊山頭同望拜悽絕杜鵑魂周松孫學

部景濤君由庶常改官刑部出為如皋令復內調學

部光緒末詔各省舉知醫者眎德宗疾君預其列每

述深宮服食之菲有儒素所不堪者遜政後

感憤填膺卒縱酒以死距國變未逾歲也

腹痛過東市鉏蘭足永歎殉名天亦酷慮始古猶難覆

甌斯文賤推枰此局殘沈吟山鬼語因果鏡中看林暉谷京

卿旭戊戌春君與余同詠崔立功德碑有句云太清

樓下無言石因果分明在鏡中余即訝其非祥又君贈

叔嶠句云山鬼能知一年事與君池上數游魚蓋指江

亭所得神籤有頭銜蕭散語固自知氣數之有前定也

憔悴遼東客逢君意豁如渡江人望屬入洛宦情疏才

略張公信風情謝幼輿超山祠宇冷惆悵落梅初

陳吉士兵

備希賢

君好客善諧謔余客遼東居君家觴詠無虛

日晚年旅京豪情頓減曩宰仁和

有惠政浙人於其歿

也置主超山

香雪樓祀之

平生不解飲妙得次公狂宦薄存寒骨交深見熱腸遺

文誰與定晚遇正堪傷榕館經過地荒苔掩石牀

何肖逸大

令謚

君與余同舉春官年甫逾冠意氣甚盛乃屈於

百里且不永其年其贈予詩云眼中無數庾亮之塵劉

輿賦磊落獨岸林宗巾雖推

挹過情亦足覘其襟抱爾

同塾君尤少於詩獨善鳴元瑜誠命蹇叔寶自神清有

夢依銅陌思君在碧城人間龍尾集抑塞了平生

孫希孟司

理景賢

君肄業會文學校同學中與余最契課餘酬

唱成帙浙中都下時復相依甫就法官遽以憂死年甫



西園戎葵

龍公小破慳一雨蘇衆綠戎葵散紅白映帶成麗矚茲  
花亦北勝天藻無雕縵宮羅百褶飄仙蓋萬旗簇恣看  
逮晚秋最好乘初旭崇光泛廣庭翻笑洛花俗世情輕  
所多高格難自祿誰憐絕代佳牽蘿在空谷朝榮有夕  
悴速化終非福共花訂久要抱甕吾已足

閱市得陽明先生青琅玕硯繫之以詩

藏園樂府片石殘仙人捧出青琅玕龍跳虎卧臨池看

雲端游戲來華鬢

硯為孔雀石製成  
鐫龍虎及佛像

九華煙翠同飛蟠

調殊如見臣心丹漢唐覆轍懲中官疏成投筆聞長歎



功名之際自古難雙鳥或似昌黎韓我聞荆公有綠端

瘴雨洗徧春波寒

荆公綠端硯詩云染來瘴海痕猶濕洗出春波色更妍

崎嶇桂

海從平蠻石君遭際尤嬖姍寒厨洮碧思文山陰房鬼

火悽心顏

舊藏文山蟬腹硯

先生入世紛憂患終全健翮真神

鸞蒼蒼正色孰敢千千載以下砭懦頑周家翡翠空攢

藥安能磊落鐫忠肝

周青士有翡翠巖硯見竹垞所製序

清狂道人雅且

嫻雕蟲餘事傳兵間

硯端有郭詡題款

楚弓楚得從嘲訕且堪

怡悅山雲閒山窗叢綠近可攀此老莫作甘蕉彈

### 來日大難

來日大難裴裒永歎不見飛龍乃見伏鸞金堂峨峨上  
倚朱阿脩蘿窈窕蘭猗那金飈起兮揚素波洛妃遊戲

招江娥欲往從之愁蛟鼉青泥如山紫泉如海太虛冥  
冥大化無宰三秀在隅誰與共采淒猿戒夜零羽知秋  
心之憂矣謂我何求

過无畏舊居有感

西華門巷午陰清載酒停車似隔生過客猶知裴子野  
故人終愧竇游平末流抄蔓才名賤大地浮萍去住輕  
落落爨材應自惜試從琴外證虧成

游太古洞

古洞閔雲涯路轉青峰換列炬入幽窅深黑若未旦蝙  
蝠避人飛衝煙影零亂石古助秋寒淙滑疑春泮四周  
石乳垂異態各可翫密如列蜂房赫如擎佛幔蛻甲走



螭龍磐牙踞熊豕舉步形已殊闕隙光有爛老蛟穴深  
潭餘怒聞漉泚疲策畏欹危摩厓信神腕憑虛乍鳥伸  
出險仍魚貫豁眼見朝暉小界陰陽判

曉度羅睺嶺至岫雲寺

輕輿乘曉色晃眼霜葉濃上嶺復下嶺疊疊青芙蓉聞  
鐘知近寺一徑懸風松樾香足禪悅倦躅欣佳逢就瞻  
彌陀殿奎翰猶鸞龍左峙窳堵波舍利光彤彤緇徒述  
故事秘篋靈蛇供二青呼不起戀夢黃紬慵

大小青各為一龕寺

僧以黃紬覆之

殿前松檜影碧瓦交蒙龍風來淒以峭山氣如

初冬幽州此寺古宸立臨羣峰遐哉究年代晉碣青泥  
封妙嚴留跪骭病虎瞻遺容疚心在家國皈佛甯為瘞

衆生尚浩劫趨將何從當代有慧師吾其雷次宗

嚮暮覽寺後諸山步至龍王堂觀龍潭

向晚山更幽松吹引吾步入山知淺深不斷山頭樹海

蟾破空來幻形亦天趣

道旁怪石似蟾蜍鑄海蟾二字

境高迹漸孤徑

轉目先赴三休至龍堂下視浮蒼霧潭空莫呼龍泉響  
但微注相將鑒塵顏玄髻慙非故徘徊桑宿意記我去  
來路勿嗟同調稀冷趣非所慕

白鷹溝曉望諸峰煙翠環集

朝暾晃眼光熊忽披萬綠攀穹隆同游畏險若談虎  
健者三子能我從榛叢一徑入深黛俯瞰無路雲迷濛  
迴峰險處正佳絕萬象出沒煙嵐中礪深石仄不可憇



恍如駕鶴從飛翬幾家薨棟墮雲海一丸略辨琳宮紅  
浮青迴互雜明晦誰能刻畫眞神工朔方形勝控九寨  
似此積秀仍沈雄清都絳闕塵不到雲中招手扶桑公  
我不能如雪山仙人得眞空又不能如棄家絕俗丹崖  
翁百年三萬六千日獨此半日寄我逍遙蹤便作夢游  
亦快事袖得山雲一片青玲瓏

山石甚脆擘  
數片攜歸

### 山行雜詩

曉隨幽鳥入層巒一幌晴霞隔樹看行過棗林涼似水  
牽牛花上露初乾

代步花輿不下肩

借句

山光多處儘留連白蓬搖曳青筠

影夢在江南鴨觜船

稻隴瓜疇盡入詩山塍高下綠參差秋行多在田園裏  
憶著南朝沈慶之

螺峰盡處是鯨波皺面相看奈爾何一綫牽將秋影去  
輕撓橫笛過渾河

山果垂垂襯落霞仙緣隨處得丹砂天公添寫秋山麗  
催放紅梨八月花

意行不厭地幽偏洗耳松風勝管絃人在西峰濃翠裏  
滲金晝出夕陽天

萬拓全荒賸古潭天風吹散寶陀嵐青山一段興亡恨  
斜日來尋孔雀庵

層峰旋折入山家雞犬喧喧雜笑譁小女當鑪翁賣餅



仙源不用種桃花

張莊道中

喧喧歌吹隔層城

是日為共和國慶

袖手煙郊自在行人與殘

鴉爭短景天憐幽草借微晴寒流照髯還清淺遠翠堆  
眉幾送迎忽似置身江閣夜奔輪碾月作濤聲

九日靜宜招集潛廬徧游翠微諸寺

傾都作重九選勝非無名潛廬近可躡餉我巖泉清攬  
身入雲竇霜氣浩已盈飛嵐分几闥宵映浮鮮晶登臨  
幸俱健濁釀甯辭傾來日固難料且喜今日晴

路轉大悲庵秀態出花竹勞生得小閒來與雲泉逐丹  
黃散山椒渲染成鉅幅窈然錦洞天韜翠在巖腹沿洄

近香界境僻往來熟卻攜完玉篇獨就風林讀

八剎因山成攀幽珠洞最乘興遂鼓屨放眼乾坤大遠  
煙辨城堞鏡影俄成晦因知造化奇暉陰換千態吾生  
困物役林壑得佳賚返照下陰崖有客支筇待

沅叔治  
薌先至

虛師厓  
相峽

偕嘿園大游獅子窩紅葉已盡

雨止繼以風林葉紛如瀉欵扉聲欲噤冷趣山僮訝脩  
廊苔畫殘勝構儼雲架往時火齊奇零紅尚妖姹一邱  
屬中涓餘威孰與假奔河落足底遠勢自雄跨山容無  
古今人事久代謝巖陰凜難留悵矣迴俗駕

張忠武

勲  
挽詩



崎嶇迴日仗精誠咄咄羣兒竟敗盟事大莫將成敗論  
恩深真覺死生輕淮西早屬裴中立輦下今無董少平  
猶憶西堂絲管夜酒邊叱咤話收京

畫圖毛髮尚英姿想見撓戈破賊時殘客能談銅柱蹟  
孤軍誰喻石城悲滄波劫冷沈冤鳥廢壘雲寒失老羆  
兩字易名關國論書生何用表忠碑

雪後季友招集釣魚臺呈弢庵太傅丈

交蘆吹白似鱸鄉此日行宮是賜莊躡屐肯教清景失  
是日攝影銜杯終覺故情長一竿使我思江海老檣如人耐  
雪霜草草金元文物盡漫攜殘淚話同光

柳如是寫詩硯為杜盦題

玉臺試筆想嬌慵細語輕憐意萬重

用柳如是詞語

紅豆花前

梳洗地伴他粉鏡小盤龍

琴川淒咽劍門孤劫後山莊似昔無阿閣斜陽腸斷句  
人間但弔柳靡蕪

王侶生室劉孺人殉節徵詩

桂枝香斷西河冷瓊田風墮青鸞影銅荷颭碧夜沈沈  
腐藥在腸絲在頸妾命親恩孰重輕慰親權作吳江行  
吳江日暮水流咽長似幽閨腸斷聲香心一寸菴苑綠  
旁人但惜韶華促九疑何處望夫君湘魂夜夜啼寒竹  
風風雨雨紅鴉枝斷斷續續春蠶絲人間天上兩悽絕  
孤兒索母聲酸嘶衣冠今日無奇節管彤愧此摩笄烈



手把芙蓉叩玉京定知還汝鴛鴦牒

世緬屬題先德亦甦先生家誠冊

穹位不期驕厚祿不期侈吾父夙服膺嘗以誠諸子廉  
車憶南征家訓每連紙舉示茶隱圖前型當視此是時  
海宇康臺賢嚴律已滄波忽沈陸世貧風益靡祝延特  
假名從者若趨市嗶呶萃冠裳挾張備珍綺衆生彼何  
辜顛倒供砧几娛親見已卑自壽吁尤鄙藹然仁者言  
昔有吳固始介年事非古禮意挾根柢好生本天心儒  
釋詎殊悖維公秉肫誠匪以徼繁祉溫仁天所篤孫曾  
看蹕起至今守家法官庖供菊杞民生迫倒懸舉目徧  
瘡痍推此澤物心痼俗庶有身

題天甯寺

塔鈴聲斷鳥啁啾搔鬢霜風愴舊游廢圃已無呼酒地  
戍兵猶占看山樓夢迴青瑣身將老刼換金輪佛亦愁  
檢點壁題都化淚城南華屋幾山邱



龍顧山房詩集卷之五

結霞集下

甲子

侯官

郭則澐

蟄雲

新春試筆

侵尋歲月卧寒林人外能容孔彥深  
夢枕那知來日事燈筵不似少年心  
久辭曉直拋珂玉預計春沽損鈿金  
且喜款扉無俗駕閒拈退管寫來禽

新正五日雪中偕靜宜半園集靈光寺

衆山春未萌丸松綴峰髻俄焉一白沈  
披煙失寒翠飛輿犯淒颼急景不容睇  
林疏抹未勻叢深飄更細瓊局抱嶺幽  
留賞及初霽蓋盡塵界腥洗出乾坤麗  
神京渺煙外積感畏臨睨吾儕世所捐  
判與荒寒契一壑讓君

專

謂靜宜

菟裘慙晚計卻攜滿袖嵐亦以驅羣癘

雜詩

謂春非我春此春復誰主眼中春又殘十日九風雨  
當門莫種蘭當路莫種棘止棘紛營營鋤蘭長惻惻  
客來蓋成陰客散門如水君特媚此官官罷良可已  
舉幡混龍蛇帶甲踞豺虎老成變制心當時豈逆覩  
珊瑚與步障鬪富終非福城烏攫肉飛還來啄華屋  
生兒莫讀書敗名徒蹭蹬及今事椎埋或是終南徑

記煥

叔語

子房謀存韓少卿思報漢枉尺豈直尋讀史為三歎  
少墮老更迂悟後都成錯耐辱信良圖一亭閒處著



題林蔚文虎口餘生圖

一歌蜀道難再歌壯士怒三歌金鎬流四歌公無渡蜀  
山突兀蜀溪惡猊虎呀呀縱貪攫華竿捆載入窮崖  
觶觥牽衣如赴鑊

賊中縛單木為輿曰華竿

黃金論斤不稱求烏衣君

作南冠囚中宵掩淚語不得箐深月黑猿啾啾頗聞賊  
中言強半良家子追呼逼官租鋌走差勝死竄身草莽  
詎可常異日何顏見鄉里林侯慷慨前致辭屠刀放下  
無然疑古今將相豈有種不見淮陰貧賤時謹呼酌汝  
琉璃酒髯乎磊落真吾友因君雕龍才惜我射蛟手募  
士如收馬邑豪備邊敢後雲中守郎當一騎送君還解  
嘲抵看青城山危灘急瀨偶然耳翩然飛渡沙鷗閒吁

嗟乎神州汚盡蚩尤血竊國竊鉤甯異轍釋兵杯酒會  
有時終仗先生廣長舌

以園花移贈澹堪讐期未至有詩見促賦答

借地就參軍安蔬計已左

借用東坡事

倉皇謀徙置園翁恣

嘲吹好春付與誰臨分憐婀娜香山放楊枝禪理悟亦  
頗澹園隱城西隙壤藝瓜蔬為花商結託馳書亟報可  
移根趁芳暄珍重春泥裏事去衆已睽令疏奴更情淹  
時慮毀傷併日憂豐夥撫樹但旁皇此事殊尤瑣謝氎  
終一割孟甑甯堪荷督過且姑徐君詩信知我

讀龍尾集論輪迴事感作

龍尾辨幽明輪迴謂非理靈明亘古存沒乃復其始人



生寄風輪難在了生死天堂地獄間設想殊恢詭大旨  
在做頭上智甯語此我云人禽界所爭方寸地墮行在  
冥冥衣冠亦犬豕佛家甚其辭要可維人紀君今去濁  
世超遙何所指豈無兜率宮或者華鬘市游戲樂天倪  
六塵不能滓大哉君子息身世真敝屣靈來儻起予質  
遠神則邇

程君房月精墨歌外舅樂靜老人屬賦

瘦碧齋頭初月夕示我月精堅比石爨松蛻盡聚元霜  
入手古香兼古色初觀黯黹漸空濛玉光散作琉璃白  
又疑牙爪鬬雲雷天牢不鎖蟾蜍魄

墨鑄三足墓牙爪  
怒張噴氣蝕月

乾坤靈秘妙雕鐫直造神工豈人力晉唐墨官略可數

君房晚出尤精特湛若兒睛品雪堂

君房醉墨堅光射人如小兒睛見張

仁熙雪

黝如漆色標玄壁

君房玄壁墨一面盤螭上有妙品二字漆色如新見宋牧

仲漫堂

墨品

照夜何年吐白虹太陰飛墮昆侖脊人間奎宿

曲園翁天與名山助濡襁先生健書雙袖烏顧此摩抄

獨矜惜百年文獻總凋殘神物終完關舊澤徑須酒脯

拜回氏

墨神名

櫟園故事無人識妖墓決吻兀縱橫流影

山河同太息墨卿吾友亦吾師遜世相從堅守黑

庭前老柳百年物也雨後頓萎作此哀之

昔賢不我待居者愛喬木突兀百年間此樹亦老禿文

襄儻及見豈免傷華屋廣庭任鬱蟠孤根信無曲我來

眷餘陰癘幹發新綠穆如對老成頽鬢風懷足孤高遇



易窮朽蠹機所伏羣柯得雨欣生理爾獨蹙始知賦命  
艱厚澤不為福縱斧彼何心丁甯戒僮僕作誅病無文  
庾賦聊可讀

游菱角坑示杜盦

秋氣漸宜人近水意先喜捨舟遂入林路轉青蘿裏坡  
陀帶高柳遐眇若峰起水禽隱花飛風香吹旒旒傖奴  
頗解事縛茆就芳沚蕭閒詎所慕亦得逍遙理客有茗  
溪漁感此思鄉里滔天勢方縱一壑焉置子習遯復何  
營遇坎良可止茗坐默無言村謳與洗耳

梁文忠手書半山詩卷為何小禮題

冰風夢破曉寒時種樹廬荒賸故枝我跋君書重太息

古來興廢豈人為

文忠謁陵詩云白髮孤臣望前路冰風橋上立多時末句用半山輓孫威

敏詩語

軼事從誰話日南門生憔悴髣髯文襄不作文忠去

冷落斜陽綠勝盦

小禮為文忠門人卷中所錄半山綠陰幽草勝花時句文忠自註謂張南

皮愛誦斯語取綠勝二字以名畿輔先哲祠之盦

### 輓魏塘丈

識君因胡愔意氣動春酌度遼君已貴款語開賓閣強  
顏事箋奏拳曲勞斤削韓文似宣公期許良不薄哲人  
忽已徂指南復誰託永念承平游雖貧有至樂

宦轍參聚散我越君適秦滄江再相見動色談兵塵君  
身早許國洞腹無逡巡忍死豈本懷所念白髮親假年



儼來告顛倒皆前因

君自刻時有神告以尚有陽壽一紀歿時適合

傷哉龍漢

叔大雅同湮淪

兩年政事堂晨直先飛鳥一年秘書省短几共昏曉弭  
兵世所忌孤抱殊皦皦官燭淚成堆照見憂心悄古來  
洛蜀爭大抵庸人擾八表黯烽煙知君心未了

涕淚話神州諷我急投効達人燭幾先交深言自直穹  
霄多烈風神鵬戢其翼弱羽委埃塵摧頽徒避弋平生  
肝膽共甯止國士識九京誰與歸世路莽榛棘

潭潭城西宅龍門同仰止歌斯哭於斯七年一彈指往  
時戲綵堂總帷清似水人事閱興衰交態判生死殘客  
有敬容挽歌答蒿里海山兜率宮魂魄豈戀此

香山晚慕禪憫俗非忘世海內失長裘孤寒紛雪涕古  
今論慧業儻在生天例防墓幸既成修短君豈計諸郎  
皆秀挺清德宜有繼他日九州同無忘告家祭

題金北樓樸松雪重江疊嶂圖

論畫無過李伯時碧林道人能肖之論書無過王逸少  
偶學簪花亦殊妙北樓好古將毋同冥心直與造化通  
渺然尺幅得千里虛堂浩浩生江風攢林竦嶂參差下  
刻畫嶽奇仍蘊藉尤工遠勢寫江樓此間聽水真無價  
風蒲蔌蔌舟搖搖水寒石瘦如霜朝王孫作意願蕭瑟  
境非茗雪非金焦卷中題跋皆名手二李二陳抗虞柳  
圖成餘興恣臨摹腕底英靈隨筆走古今能事觀止矣



匪惟顏襲直神似怪君日咽舊京塵邱壑胸中乃有此  
殿書院畫各遭逢好者何必非真龍千金并辦勿輕鬻  
待與摹徧宣和宮綃三萬幅

君嘗就武英殿摹擬內藏書畫攷庵太傅復時出大

內精品付君臨摹畫法益進

### 贈何梅叟

先生霜鬢狎烽煙竹屋論詩意灑然此事故應通性命  
其人原不計流傳十年滄海心成史一夜青山語近禪

君舉前人名句曾為一夜青山客未忍無情過板橋謂頗具禪理

人境結廬車馬絕風

襟猶見義熙前

### 康伯同年六十初度貽詩寫懷

金鼇射策語從容身在蓬山第幾重喚起西華春枕夢

曉寒同聽一樓鐘

談兵幕府各縱橫君正南遷我北征  
歷歷光宣陵谷恨即今追憶是承平

石城山勝鹿城妍江海相望弭節年  
爭怪吾曹身易老學官弟子亦華顛

駝陌重經屬幸民蕭襟獨與老禪親  
歲寒不改青青色只有西山似故人

過則庵鏡機盦夜話示六橋

我如龍好睡君似鶴驚寒野性元無  
絆塵憂此暫寬迴燈林月下鍛句茗  
煙殘歸路單車怯城笳警夜關

輓揆東同年



三羅抑塞數江東，癭老平生偶與同。  
末世憐才伶亦俠，盛年祈死士真窮。  
編詩未信名心盡，皈佛懸知世障空。  
腹痛西山愁再過，賸招歸鶴語霜風。

述感

寥寥同巷話，更闌惓惓浮生事。  
大難八口危城真共命，百年倦旅強為歡。  
微吟思逐車音斷，寂坐心先燭本殘。  
說與霜禽知此恨，巢居羨汝一枝安。

秋岳郵示近作寄答

黃子寄我詩，苦語危以肆。  
數名士之常胡獨，撓世忌近局。  
等累棋淹歲，尚烽燧西師。  
夜薄城惝怳，若逢魅令嚴。  
兵更驕遮道，紛邏騎咄哉。  
曹社謀貪功，終一蹙君才信。

麟鳳衰季不為瑞致仕出硬差君亦無憤懣旅食良獨  
艱重以室家累故人有青雲窮餓羞託庇投詩特念我  
母乃傷氣類我云子當奮瑚璉詎終棄孤生天所篤先  
以諸艱試丈夫窮益堅苟榮非本志時事久厭談醒眼  
奈衆醉獨憶西山游夢枕落寒翠

與客談近事怏然有作

羈禽思故山枝寄苦僮束鍛羽敢自憐勝與塵網觸嬰  
鳴得數子求音慰幽獨烏朝自旦暮爪距紛逐逐君看  
延秋門啄破幾家屋將毋鸚笑鵬宛爾雞代鶩凍雀竟  
安歸吟罷淚相續

君來自江滸霜清無改柯溯流感物變朔氣橫長河啾



嗟競腥腐前鳶後鴛鴦王風既陵謝厥流成妖訛積非  
久勝是驃兮誰與呵窮儒甘世詬不樂將云何無聊姑  
說鬼此意從東坡

聞九弟疾賦此慰之

有弟有弟天之東一官趨越鶴在籠愁魔病豎相橫縱  
伏甲闖入清虛宮或有問者顏覲曹闐如陰嶺交雰雰  
生非金石奈鑠礱偏師我欲愁城攻我聞物生以屯受  
以蒙天公善幻張羅置倮然一身萬人海妻孥邂逅皆  
萍蓬區區七尺亦非我本無得喪何窮通有生誰能割  
塵網試從平叔談真空吁嗟吾土方堙洪神京昨閃旌  
旗紅荒原戰骨蓬蒿叢流亡婦子號霜風居夷浮海吾

敢恫儒術所貴善處窮倚閭白髮心忡忡願子帷闥如  
春融守雌有道勝存雄服之無斃葆厥躬

歲暮讀遺山集因效其體

堆眼頑雲作晚陰旅愁歲事各侵尋殘鴉有託紛歸樹  
野鹿無機偶出林墜刼未銷銜石淚逃名漸悟鑿坏心  
窮涯風物都蕭瑟莫更人間問陸沈

柵樓卽事

海風吹雪送流年人外權充忍辱仙罷酒愁生殘柝後  
迴燈夢在小梅邊身依冷銼還如客句寫寒灰未是禪  
坐對濁河成獨笑歸心長負五湖船

龍顧山房詩集卷五



龍顧山房詩集卷之六

寒碧集上

乙丑

侯官

郭則澐

蟄雲

栩樓有瘦碧謠浪公易以寒碧屬匏公書之避叔  
問之字也而適與亮奇犯雖然亮奇吾故人也以  
識不忘不亦可乎今浪公匏公俱逝宿草之痛是  
尤不可忘也憶浪公題句云此地無三伏其人似  
一  
六朝欲丐匏公書為楹語未果附此以識吾恨

味雲招集雲邁精舍觀禹鴻臚繪漁洋戴笠圖

君詩妙得新城髓尺幅酬君或天意鴻臚寫貌兼寫神

二百年間有生氣翩然一鳳來花間

漁洋早歲嘗夢  
小鳥五色如鳳紅

橋襖後猶朱顏生朝好約酒人醉笠子如逢飯顙山

余與

漁洋同  
生日

海棠次和仁先同年

參差霧幔隔華茵  
照眼芳韶客感新  
淺夢已非燒燭夜  
零脂猶伴捲簾人  
重題定惠甯傷晚  
欲奏通明與駐春  
一種嬋娟風日裏  
為君迴袂惜香塵

六橋寫梅為嘿尚壽梅叟有詩因題其後

鹿樵

六橋別字

寫生見霜骨龍珠

梅叟別字

搜奇得詩窟兩翁人

海各沈冥心顏直為寒香發  
古之畫者推茅梅同時陳  
艾非詩才東坡對花殊草草  
唐突新詩被花惱何來幅  
素二妙兼江海遠致或傷廉  
二梅映座共風格長公得  
此應掀髯

嘿尚所居有古梅二因以二梅名齋

林居歲晚甘孤屏落落心



交俱耐冷不辭補白狀幽妍喚作蠡腰吾亦幸

寒碧籀落成峻丞浪公息尸枉過有詩見贈因次

其韻

林亭小築擬山家過雨藤陰壓架斜暫撇風懷親夜燭  
更商幽事補秋花名心欲盡詩仍健佳日難逢酒任賒  
等是耽閒兼耐病未妨人外寄生涯

露臺夜集

茗坐倚蒼茫風來露葉香不知何處雨併作此間涼境  
迥疑秋近心閒耐夜長平生憂國意拚付信陵狂

九日栩樓賞菊小集分得笑字

几閣闕秋陰屏居罷登眺客與佳節期相將披徑藿吾

廬得幽偏風亭倚青峭疇云玉川寒鑄菊發奇耀重幰  
燈影深千態入澄照搜句定羣囂浮香佐餘醕座中寫  
生手綃素參二妙披吟眼頓明拍手作龍叫忘形孰主  
賓好弄猶童少即此契晉賢因君慙郢調擁鼻忽沈吟  
狂花如掩笑

次和太夷丈九日過李公祠

入秋歌笑總商聲人事如山積不平江海歸來依日近  
池臺幽處蹋霜行孤吟世或關憂樂勇退身猶繫重輕

地下老臣同此恨西風鯨甲話昆明

甲午一役論者以海軍不振歸咎文

忠或云頤和園土木之費以海軍為名多所挹注文忠主和主守固深知海軍不足恃也

秋岳南歸營葬次前韻留別再疊和之



年年朔雁動邊聲強指河清盼太平客邸臨分仍苦語  
世途多厄且冥行論都微歎人才盡束閣從知士議輕  
卻感新詩思故壠天涯二十四清明

故壠松楸先入  
夢秋岳原詩句

飛翠軒消寒二集題畏廬丈所繪巖松小幅

尺幅收飛翠平添几閣幽其間堪卜隱此老亦埋憂放  
筆存生氣停觴眷昔游夕烽沈石鼓誰與畫吾州

題江弢叔伏敵集後

生事本無明日想江丞斷語積酸辛蟻蝥寇汝遑傷亂  
魍魎窺人漫逐貧獨夜迴腸疑夢魘窮年制淚付悲呻  
茫茫陵谷誰能料健飯安眠即幸民

讀浪公贈什有感

身似胡僧閱劫灰長陵紫氣幾時迴微名墮甌歸何傳

拙計寒氎老此才

光緒末詔舉人才協揆某公忌余加考云若老其才堪資任使

來日

苦多生已贅濁流同盡世堪吟漫漫長夜浩歌起

借百句

念蹉跎併一哀

冰絲齋消寒三集題唐子畏繪溫公獨樂園圖

後樂民所懷長樂世所醜君實四海知拯溺忍袖手伶

俖居洛年志豈在巖藪行經采藥畦亦念青苗否

采藥畦為

圖中勝蹟之一

六如早見黜明運迫陽九桃花得聖解千載契

迂叟池臺小排當筆底寒蓬走圖成恣欣賞衡山酌以

斗丈夫濟物身搖落寄軒牖有巖擬退思有室題離垢

埋照世相忘敬名天已厚獨慙悲憫心欲語碑在口昌



黎喻弊蛙杜陵憂國狗羣生墜重淵一室春何有孰能  
盪層氛假以垂雲帟乾坤幸清晏委懷向田畝環堵樂  
有餘日對先生柳吾謀百蹉跎此願詎終負持質遜園  
翁巖耕期結耦

題錢舜舉觀鶯圖敬遵

純廟御製原韻

奎章捧出五雲多畫史評量勝范何憶拜  
主恩江海去墨池親訪右軍鶯

寒碧籀消寒四集次和張宛邱冬日雜興

窮冬惟瑾戶疏放甚愚軒國論誰為梗民訛總不根心  
隨吟越客境似避秦村眷此嚶鳴樂飛沈未足論

千林霜後絢旦暮有榮枯敗葉從人掃寒枝伴我疏狂  
思呵壁問醉或繞牀呼為語垂綸者江湖儻羨魚

共此危闌倚虞淵日又曛寥天兵氣暗判歲客愁新不  
戢終移國多虞苦避人愍征誰解賦猶勝論錢神

負負溪山眼寒雲逐夢來鐫詩留寺竹讀畫憶村梅塵  
鬢真堪惜顏顏得幾開江南春好在腸斷賀方回

留命翻為戚逃名好是閒有懷看止水無淚對殘山笛  
冷龍方蟄書沈雁未還望舒如解意照夢到京關

干戈天地窄何處託巖扃紀亂存詩曆排憂託酒星叢

殘勤掇拾

時方補輯詩乘

酸苦暫消停

用趙長卿落梅詞語

稍待青山轉

薪歌自在聽



秘香龕消寒五集賦游仙絕句分贈同社

月地招邀幾散仙寒簧風格似雛年偷閒細疊霓裳譜

冷抱蟾蜍夜不眠

李浪公

琳簡書名動絳霄麟洲西去聽雲韶天錢十萬閒拋卻

化作瑤花丈室飄

周息厂

嚼蕊吹花巧鬪妍清才合署紫霞仙黃櫨題就珍珠字

換取桐君度厄錢

李龠闇

莫道緱山鳳路孤避寒自有九明珠雲窗霧幔無人到

學寫金箱五嶽圖

查峻丞

謫籍依然近上清掌書仙子最傾城九光燈底春寒重

卧聽迴環北斗聲

胡惜仲

游戲瑤京控絳螭風前慣倚碧桃枝金堂玉室閒供養

第一龍仙是瑞芝

李槃子

珠藤窈窕護仙居侍女如花曳翠裾  
燕罷日華天未午

下簾自校太霄書

徐姜盒

寶樹風高掩玉扃龍絲彈怨託湘靈  
仙源不羨桃花水

自種芙蓉當錦屏

白遜園

靈素逍遙卧白雲駕鸞曾謁碧虛君  
蕊珠宮裏琳瑯字

猶見天家十賚文

林叔盒

衆中北燭擅清狂花底春宵數舉觴  
怕話千年龍漢劫

朮田芝圃亦全荒

陳踞公

月戶星房羽客家親調丹鼎鍊黃芽  
珠簾捲處羣仙過



戲看青童落墨花

張彥孫

劫後蒼煙冷絳臺羽陵蠹簡未成灰  
冰絃彈到瑤池宴  
怡報淮南拔宅來

葉蜚盒

秘殿珠幢十二行聯翩鶴駕恣飛翔  
能諳朱鳥窗前事  
小錄應煩郭密香

天外嵯峨碧玉城弧星明處酒星明  
不須更乞靈山佳  
修到頑仙定幾生

翠寒宦消寒七集分詠蟲豸得詩八首

蟻

么麼亦能軍赤白紛異幟事敗以族行顛倒棄其次

穴移

族行憐垤  
蟻放翁句

詎甘鯨鯉誘

鯨鯉誘蟻入  
甲見本草

適愧蛄蜺智槐南

有淳于被甲方鼾睡

蛛

身謀爾特工機巧抑天賦羅織徧貪檐羣飛與之附牆  
壁一朝傾智盡徒自錮塵網不可淹楚臣吾所慕

蚊

重幃黯欲夕衆喙紛雷鳴負山彼何有所挾惟縱橫飽  
颺計亦得天道終忌盈擊之桓桓死

用郭舍人  
對方朔語

庶以甦

疲氓

蛾

異蛾產圓邱炫俗競文采諡之以慕光焚身知不悔拚  
飛豈本心亦有虛圖在

用論衡語

世無燕昭庭桂膏勿余給



蠅

營營適何來怒劍揮不止逐利物之常胡不令人喜用

陵憎蠅賦語

黑白恣覆翻末技空鑽紙平生懷璧心未暇計

萋毀

螳螂

天馬勇自矜失策在輕就用韓詩外傳語螬蛸牙孽張脣呶急

私鬪勁斧儼可憑黃雀睨其後執翳雖爾能甯若空枝

守

蠹

積蠹匪自今集朽乃益肆攘櫟歛俱穿蝕滅到文字上

下方相賊用易林語孰與持其敝沈吟孤憤篇掩卷餘眶淚

蜂

師蜂立君臣古義聞之久赤強黑不良

名蜂

靈邱誰與守

攻寡或非仁掇之恐傷手破霧有神珠羣蠻定驚走

見事

南墅間

居錄

夫椒山館消寒八集和趙甌北風氣原韻

靜裏觀風氣舒張譬執徐世衰徒蔑古民佚詎思初列  
第連雲棟通衢掣電車雞方爭省樹羊或蹴僧蔬園囿  
窺辰極笙歌接亥墟暈衣加媵侍錦服混厮輿稱壽千  
金釀娛賓五白擣築毬矜跌宕舞助軒渠壁鏡神光  
合花筵禮法疏拚飛隨野鷺輕棄怨前魚肌粟寒披袷  
頭蓬曉罷梳勢交聯衽席涼德見箕鋤儘許橫財鑄甯



容直釣漁因依遑擇木翻覆等浮苴人紀淪夷久神州  
耗數餘悍然師破獍險絕弄潛狙刼未銷龍漢書應誤  
象胥遷流庸有極後此更何如

東坡生日消寒九集峻丞招集朱烏庵觀宋漫堂  
太宰景蘇圖

天於才人有獨厚或昌生前或身後循環治亂千載遙  
無恙詞仙此杯酒先我生者宋漫堂嘉泰一編落公手  
長公墓白公景蘇東坡西陂恰成偶後來宦迹各步趨  
黃州倅似杭州守茲圖之作方英年玉貌歲深積昏黜  
歛裾捧卷肅而前松石蕭疏映巖牖國初畫法追宋元  
爾時命筆知誰某斷縑不滅繫英靈留題恨少雪園友

維公家世出韋平遭際康熙勝元祐節鉞東南風雅宗  
豈似儋崖叢衆詬平生壇坫極縱橫卻對眉山獨低首  
寒食帖與石鼓吟一脈靈源如手授頗疑天意妙乘除  
重遣星精降奎宿了無災難到公卿磨蝎儻堪償夙負  
詞堪磊落與古徒展觀云是先人有梅邊一笛鶴飛回  
壽坡翁更為君壽

百緣經室消寒十集拈得寒雀

一笑披綿幻相非草間黃口鎮因依爭枝無力當風墜  
淖蕊何心犯雪飛賸與紆千哀末路誰從突厥驗先幾  
平生翟尉蕭寥意閱盡炎涼但掩扉

五代雜詠



青青楊柳枝篡竊亦能詩誰念團枝玉楊花無了期  
卧虎極雄猜措大無死所柳樹作車頭故是尋常語  
人驢禁妄差閨朝見風紀堂堂括馬使石晉應愧此  
民窮兵亦殫侏儒方飽死溫詔急賑官分與潛龍米  
進名問幾錢郎君信容易能誦碧翁翁強於通禮記  
孫銳病無謀滑州輕一戰兵行雜歌倡將軍自操扇  
馬頭唱宮詞壯士能忘死如何郭門高倉卒戈矛起  
而翁豺虎羣本不矜名節按膝乞纏頭笑倒馮三絕  
廣律笑周初輕重兩無據會須范魯公冷然大暑去  
晉州籍民財朝論愼功罪六典寢不行吾思李渤海  
四世擁雄藩兜鍪徧拜恩仙壇擐甲夜獨憶墨崑崙

襍兵誓齋僧我佛終憐否蓮峰發願文乃落寶臣手  
花時泣瑤光玉碎庸非福命婦入宮年傷心龍袞錄  
江陵踵荊州萬軸煙旆委石經永流傳卓哉玉霄子  
义手復搖頭但戀金尊樂誰呼阿魏來賣卻長生藥  
縱橫海龍君選將出鸞手討梁謀不用江東慙老醜  
揚菜隨飄風錢來戈竟罷瓌碗落人間也似漳臺瓦  
猴尾與龍頭興廢胡僧識馬去復何年試摩陶浦石  
憫亂彥之吟九野同昏墊郡侯逐等閒軍家有腰劍  
病眼乞金鍾尖簷誰與抗禪詔出袖中畫盡葫蘆樣  
車後司空郎遮形但弊褐草間能幾時甘共邪蒿拔  
三耳勝二心妙運廣長舌何物赤真人吹來南漢雪



仕路誰知足烹鯨意未休玉槽要平穩憑語宋齊邱  
艾氣徧人間孤芳宜見貶詩膽捋虎鬚乃為香奩掩

槩子屬題仁先同年所繪埃園圖

守己無如靜題園擬埃村池寒疑夾鏡樹暗欲藏軒石  
隱聊堪託河清豈易言陔餘真樂在閉戶長龍孫  
水東相望近散步每經行竹石通琴趣禽魚識杖聲買  
隣甯計直結社待尋盟煩語蒼虬子臨流此濯纓

立春書感

判臘兵戈迄未休崎嶇避地豈良謀煙村經亂無完堵  
霜骨纏哀共古邱不雪頗憂來歲疫何春能散異鄉愁

吳儂正唱江南樂急檄喧呼迓土牛

聞吳下方規  
復迎春舊制

龍顧山房詩集卷六



龍顧山房詩集卷之七

寒碧集中

起丙寅正月迄丙寅五月

侯官

郭則澐

蟄雲

丙寅元日

無復珂聲擁火城蒼涼雲物引孤行前塵悵隔蓬山遠  
微命留看草澤清儘有衿纓思漢德似聞鐘簴念周京  
十年潦倒兵間客慙向園官道姓名

題仲光所贈孔林楷杖

堅貞惟楷狷者徒落落與世殊榮枯孔郎珍此祖澤餘  
斲贈云佐山游需蹇予世路疲羸趨失在專固適與俱  
楷性專固不適於用安得仗子縱所如琳瑯之都逍遙墟揮斥魑

魅雷霆驅還我宙合清明初吁嗟乎微言絕矣道教痛

咄彼相者顛不扶

詞白同年招飲齋中觀所藏河陽松溪泛棹圖用

東坡題秋山平遠圖韻

亞夫乞畫不乞閒饒眼長憶江南山君今得閒復得畫  
勝賞乃在兵塵間營邱風流去未遠畫亦如詩判中晚

松溪鄉縣似此無

吾閩有松溪縣

屈曲寒流抱蒼巘千年東絹

支煙霜誰其主者今河陽

君名與河陽同

終完趙璧足矜寵春

筵燈影搖溪光夢中已失虞淵日空使青山笑華髮紛  
紛世態厭頽巖不如日對先生鷹爪之松鬼面石

小園晚步

地偏無客過掃徑但孤行石氣穿廊峭林姿帶水清道



衰身可廢春至眼先明天意微暄裏誰能料雨晴

喜浪公病起

浪公奇骨天所練練骨乃使陰陽戰俄焉藕孔攝羣魔  
燿照陰崖下神電閉門成就先生閒笑攜鐵笛教雛鬟  
如山文字那便了夢破繩牀白日曉

春日絕句

天外靡蕪黯斷魂鶯慵蝶怨又黃昏鴨桃花上朦朧月  
曾向銀屏照淚痕

小熨餘寒借酒杯簾前鳳子為誰來春心恰比丁香結  
纔近東風未肯開

尊前小拍按吳謳頭白查灣只賦愁那似承平燈月夜

聽歌人在竹間樓

蹋歌兒女鬪青紅  
小市閒來駐玉驄  
依約隔年春影在  
朱樓一角夕陽中

窗前小桃初發

未信朱顏改  
花開似去年  
舊栽長護惜  
暫對益留連  
背日妍難掩  
支風瘦自憐  
無言孤契在  
澹影印初禪

清明書感

吾母望子心  
吾聞自家老  
晬盤識字初  
意覬成名早  
名成亦何為  
母也骨已槁  
廿年簪海身  
恨淚纏春草  
即今雖投閒  
松陰闕一掃  
阿連昨書來  
覆釜傷積瀉  
急書趣料理  
道阻久未報  
荒郊紙錢風  
飛鳥繞枝噪  
坐羨畎畝



兒墓廬永相保

新官諱舊節強名曰種樹種樹年復年童山迄如故初  
年尚太平勸民令屢布茲辰集西郊車騎沸塵霧道旁  
槐柳枝拱把亦生趣再過枝葉腓三過僵且仆高軒縱  
偶經豈暇親細務中更幾兵燹摧折誰復顧撫樹且勿  
嗟流亡方道路

吾生信多欲癖花特如命宦迹皆名園居止若前定蟄  
園拮据成插屋繁花迸百年紫丁香妙以多許勝客居  
負芳時虛遣黃鸝請此間斥鹵餘舊植存亦幸幽事及  
初暄杏嫁復棠聘玩物志殊荒所貴適吾性明年復何  
許人事正浮梗杜陵稷契心乃託長鑱柄

熙民師下榻棚樓賦呈

先生猶似南牀日老髯添霜健有加往事繞燈如說夢  
幽居置榻恰當花不期道阻能留客且喜心閒勝在家  
記師語笑共麻姑話滄海仙壇風雨落盤沙  
夜闌扶乩為戲酬唱甚盛

熙師有詩次和疊韻再呈

亦知物役為身累不分憂端逐歲加人事蹉跎燈社酒  
兵塵冷落紙坊花及時襖洛還招客計日收京莫憶家  
獨悔癯儒聞道晚虛拋心力事蒸沙

述懷再疊前韻

尊前一笑童心在差覺疏頑視昔加僵腕成書常近草  
倦眸無翳亦生花身閒且共客談鬼性定真如僧在家



養就晚晴天有意飛颺先與盪塵沙

酒樓示息厂三疊前韻

壇坫君如大國楚論才十倍豈虛加冥心同付亡何飲  
著手能成頃刻花癘柳奇情終遠俗酸梅餘韻足名家

君方讀  
宛陵集

定風波裏虛舟在愁聽筵前削浪沙

曲名

上己埃園楔集分得綠字

邸居十年九釁浴南窪北海西山麓不祥兵革日相尋  
強語被除吾亦惡江亭會盛兵益殫使我翻思無事福  
海孺避地復今年百里無山水流濁埃園幽窈此僅見  
借名一醉姑徇俗有林非茂竹非修稍喜勺波狀洄洑  
式之書序遜翁圖期而集者二十六同榜七人半強艾

次第簽名如齒錄

座中式之毅夫調白路苑情仲叔掖與余皆癸卯同年

約庵末

至獨書尾持貺丁香香滿幅賤子奉親健不筇主人挈  
孫清勝玉山陰洛濱匪敢擬略師其意是亦足痛念神  
京窟豺虎磁石飛空萬家哭稊園居憂我適野此日詠  
觴定誰屬吾曹理亂久厭聞卻為危時念骨肉欲飲不  
飲對茫茫水與離腸同一曲天心剝復豈無憑起視寒  
枝轉春綠

偕太夷丈息厂栗齋忭盒游李氏園

築園譬作畫甯拙勿蹈俗笠翁半畝園如取名畫縮茲  
園二百畝平衍雜繁縟疊阜踞其勝稍縱臨河目夷厖  
紛造天即此想濠濮我來乘春暄雜花絢林麓園翁擁



簪前語我淚盈掬倉皇去年春蔓抄及圍屋坐罪本無  
名末策以醵贖誅求累百萬道路足猶蹈完巢亦偶然  
幸不摧薪木主人仍避地來者但游轂同輩劣能閒到  
眼即為福榮名果何取圍以榮名豈如學忍辱苟全不易哉  
君詩宜百讀太夷丈贈詩有亂世能全不易哉之句

都下社侶禊集水榭子威代拈得幸字

達人貴自詭憂樂靡定境昨者埃園集吾意方哀郢詎  
知彗孛橫德星仍聚井兵塵所不到一水壇園靜書來  
急督詩道阻不我屏兼兩敢自賢附尾良亦幸因之念  
社樹隘喉若有鯁王綱久陵夷邦禮疇復秉神京等博  
場纖兒競一逞十室九流亡存者迫待拯羣公善作健

一觴腐暇整泛淚入春醪冥然知醉醒靜侵會有期雲  
萍終合併詩夢墜東園心與芳宵永

徐善伯屬題梁文忠手札

迴天力盡葵霜閣病腕支離字數行夢裏蒼涼寒日影  
楸花如雨想支牀

瘦公往矣復琴南絕筆尤悲沈乙庵落九原呼不起  
賸從故紙補叢談

齊物四疊加沙韻

勘透漆園齊物旨妄心滅盡道心加高樓隔水慵邀月  
幽草留春勝選花風裏鷄鷩甯待享夢中蝴蝶孰為家  
剎那世界微塵幻苦為羣生算海沙



東坡庵太傅丈五疊前韻

中官傳勅頻存問恩禮榮於几杖加盥耳詩清如聽水  
扶耆圖就待看花兩京佳氣猶陵廟一老丹誠繫國家  
見說天驕識麟鳳化胡不待過流沙

丁香花下作六疊前韻

開過清明春尚殢曉寒珍重一分加人間信有銷魂樹  
日下誰知掌故花香雨飄殘參佛想紫雲割取付詩家  
芳塵話到西來閣此亦恆河劫後沙

惜仲借加沙韻賦張園海棠屬和七疊前韻

一春風日在天涯斂盡幽香恨轉加繞闌紅稀猶戀樹  
隔簾綠暗不關花虛籠高燭應憐影穩護長旂便著家

鳳泊鸞飄多少淚忍教惹草復縈沙

用少陵落花詩語

賞雨八疊前韻

無分漁蓑水一涯西窗此夕客愁加縱教淺潤還宜麥  
為謝輕飄不損花人愛春寒招酒戶天分煙景餉山家  
悽悽悄悄瀟瀟裏入夢江村繞白沙

子有招同社侶佟樓泛舟歸途至管氏別業小憇  
九疊前韻

放眼扁舟向海涯風蒲煙柳綠交加十年北客慳逢水  
數里西開始見花朱蜀不歸誰辦賊

舟中話僧忠親王及聶忠節遺事

白頭相約更浮家高情輸與藜牀客一角林扉占釣沙

舜卿弟來自里中出紀游詩見示十疊前韻



宦退祇宜詩事業吟壇失喜異軍加烽煙不隔南來雁  
風物重憐燹後花故隴誰依翻累汝他鄉偶聚亦如家  
閉關掃軌吾真慣待與分鑪學鍊沙

通砂

題秋岳南游近草十一疊前韻

客居未定貧為累詩境能深近益加夢冷難拋香界雪  
春慳自許鐵心花冥冥荔竹愁邊目宛宛山川意裏家  
入世窮愁誰可避祇應煙水勝風沙

輯加沙酬唱詩冊以詩代跋並呈熙師仍依前韻

兵禍滔天詎有涯如山吟債又重加真成塵界無憂館  
亦似春園不斷花沽水之間容避世江風以外別成家

沽上同人近多作江風體聯句

平生正有貪多累不礙江河雜石沙

片言息壤憑仙證百首編成且有加

乂仙贈熙師詩有他時百首付麻沙

句今且倍之

自笑攢眉疲作草更煩跋尾押成花尺波難寫

詩中淚幅素猶憐畫裏家

栗齋為繪榻樓酬唱圖

何日重游添後

集莫辭杖履犯風沙

### 答息厂

選色論詩意少可瘦木枵然今日我感君放筆狀天馬  
一寸心房春駛駢千歡過眼併一悲晚計謀歡毋乃左  
蹉跎此夜對芳菲博山撥盡溫磨火

### 與沅叔前輩話崇效寺花事感作

楸陰依舊繞僧扉洗出兵塵色更奇不道妖紅叨佛力  
終疑冤碧幻春姿爭新鬪豔更千態惜往傷今坐一癡



眼底蓬蒿長蒼蔚遮藏那見太平時

諄語

諄語詩為崇悲呻酒不神幽篁悽向夜病樹黯無春興  
減空愁在心孤與夢親百緣同一妄休訊去來因

栩樓雜題

逍遙人外見真吾瘦石疏花稱畫圖千載涪皤知此意  
不居京洛不江湖

皂帽黃塵二十年坐令合眼想雲泉布篷策策聽風卧  
似在江南六柱船

天涯兄弟話伶俜

謂舜卿弟

對榻敲詩夜火青祠墓待成身

欲隱移書先與誓山靈

蘇堪磊落詞堪傷並代論詩得二君飲我醇醪心亦醉  
不關文字與紅裙

廣場骨董擬東都俊侶頻來不待呼但有清歡無熱惱

冷攤似勝錦璫瑜

大羅天骨董攤詞堪息尸  
墟山諸子往往不期而集

斷腸花影小溫存供養寒齋白石盆恰配冷紅圖一幅

百千萬劫聚春魂

齋頭杜鵑花盛開適藥庵  
以畏廬所繪拜鵑圖屬題

真訣脩成忍辱仙悔將絲竹累中年平生閱慣翻雲手

一轉秋波易悟禪

酒榼詩瓢共歲寒蠶眠小錄待傳觀清尊一集承平事

此調今人久不彈

冰社課  
詩待輯

西北浮雲終不掃東南孔雀正拚飛黍離板蕩今何世



忠厚詩人有怨誹

拙計肯隨時俯仰餘生但與我周旋牽絲戲罷元無事  
隱几冥觀一覲然

惜仲見示五月十三日酒座感懷之作次和

河清太息見無期袖手還看不定棋夢裏星辰餘斷影  
草間歲月積深悲從來成敗天難恃若較存亡世尚疑

悽絕薜蘿銅陌句劫灰輸與老禪知

移宮前三日淨名  
子降鸞有最憐銅

陌蕭蕭影又見薜  
蘿發故宮之句

柳墅呈太夷丈

僵柳縱橫卧洲渚廢苑年深沒斷礎迎蠻故事說與誰  
但見行歌聚蠻女海藏愛林勝愛山千林高下青迴環

縱觀遠勢得畫理不著亭榭真蕭閒跨林突兀高樓影  
講武場空想飛騁游人猶識馮家墳拋車仆地苔花冷  
前有庚申後庚子在莒無忘當視此忽迴百感入孤亭  
風禽啼斷斜陽裏

詞白招同峻丞息厂姜奩惜仲檠子泛舟八里潭  
角湖碧琉璃一棹劃之破搖搖雪色篷笠影鏡中墮沿  
洄入煙鄉鈿荷鬪天娜舟人話將軍斷碑沒蓬顥

聶忠節戰

死處有紀烈碑

風蒲作戰聲彷彿靈旗過叢深水更妍路曲雲

如裏客云肖西溪恨少青峰朶遠霞明復晦暝意促歸  
舸入市晚喧喧始知燈是火

送舜卿弟歸里



身世風輪幾轉旋關河相見又今年客居不易終懷土

物論何憑但信天且欲散愁尋柳墅可能將淚灑桃田

先妣墓在天財山桃田

平生苦語因君戒卻到臨分一泣然

弟勸余為

詩勿作蕭颯語

談詩昔愛沁泉幽爾日君年似阿修

修姪同來

歲月但驚兒

輩長里間最念少年游清門舊德期相保亂世高名轉

可憂誓墓此心終不悔歸時酌酒告松楸

### 次和太夷丈海上小山

冤鳥銜石飛吹墮蓬萊海宵映海波深草樹鬱奇采滔  
滔望不窮子立復誰待一髮障川功賴爾崢嶸在

龍顧山房詩集卷七



龍顧山房詩集卷之八

寒碧集下

起丙寅六月迄十二月

侯官

郭則澐

蟄雲

息厂下榻蟄園有詩次和

雨窗風味與君親  
短燭光寒漸嚮晨  
自託深林便野性  
相忘滄海息窮鱗  
園蔬綠脆堪供客  
庭竹青多欲隱人  
更賴狂吟破昏瑱  
繞廊琢句夜驚隣

偕息厂杜盦游龍樹院

苔扉一犬警車音  
兵去堂空草棘深  
竹馬舊游如隔日  
槐龍新補漸成陰  
有涯暫遣心何擇  
不戢終焚患益深  
院改為南皮張文襄  
祠因用文襄遺疏語  
三五秀才風味在  
片時茗話對蕭

森

息厂杜盦皆以名秀才入仕

游香山作

車行若簸糠欹仄山前路車中何所見零亂道旁樹轍  
深潦更危斧縱根尚露道旁與樹下居者知幾戶兵來  
恣所為兵去鬱誰訴車前誰家兒跣走無完袴驕兵勢  
方縱驛騷特細故民弱抑何罪徒手等天錮吾儕尚游  
衍念此為躊躇步憑高望城中目極黯塵霧

輕身事山游談者輒色變近郊斷行騎飛塵還被面亭

午造香雲

旅舍曰  
香雲館

陳子驅而先空齋就洗心樹底風泉

濺稍進松雲居窗枝橫畫絹山傭話兵氛竄棘足猶趼

茲山我故人燹後纔一見嶄然清淨身孤全故可羨暮

行畏豺虎決去有餘戀陳子勇過予信宿意未勸

陳子  
謂獻



弟丞表

次和樊山丈北海紀游

眼中弱水淺還清  
向晚游韉動鳳城  
背塔松篁收夏氣  
隔波絃管入秋聲  
殿前泥尚留香屑  
天上宮疑築水晶  
憶著康雍全盛日  
金輿駐處是崑瀛

北海舊名蓬萊

金黿橋外即天街  
障斷重氛境自佳  
蔬譜料量摹內府  
編題指點出南齋  
仙盤露冷依丹嶂  
御墨苔荒認石牌

石牌見宋裴詩

此夕水天談舊事  
悄然風月故無儕

霧閣雲窗處處新  
參差星斗想鉤陳  
乞湖賀監稱狂客  
入座何戡識舊人  
廢井蛟寒應起蟄  
遠峰螺淺不成皴  
菰蒲聲裏黃昏雨  
待理吾家墊角巾

蠟燕光陰憶蹋冰爭如一舸伴松陵神京此是忘憂館  
佛地今無護法僧掠葉聲喧煙外艇銜林影散水邊燈  
浮家徑擬江湖去卧聽吳歌唱采菱

視浪公疾未晤留詩代簡

併合信天慳我歸君復病多病足累身所秉况非盛款  
扉急慰君寸步阻深負或云君好內娥媯易伐性或云  
君多憂肝鬱乃益橫託愛非不深於誼闕面諍浮生付  
天公方寸我為政同物本無物太素歸玄淨六塵皆心  
造巧發若機穽所以古君子修生甘絕聖吾孱頗類君  
排俗寄昏營智狂異哀樂百輩任嘲評蹉跎天壤身殘  
局須看竟病起儻我從角湖縱飛泳



雨夜喜秋岳見過

豁襟暫此對浪浪詩罷高樓海氣涼  
為被勞塵親夜簟猶憐動色說炎鄉

君云南中奇熱

危時跌宕才難盡歧路栖皇

遇可傷後會縱多嗟世異因君重發看山狂

佟樓泛舟

喚艇如爭市欹巾屢避橋搖搖隨窈折款款語蕭寥  
貧眼矜逢水遐情想控飈荷塘前路熟不待野鷗招

暑退叨佳賚林漪總可親氣清從客領境僻與詩隣  
浩蕩煙蒲合留連野蔕新葭牆牢落意勝我久羈淪

一壑天胡靳風塵晚計非耐閒殊自喜多難欲安歸  
拏歛諳時變娶娛得化機蒼茫雙病眼長逐斷蓬飛

次日復約泛舟憚雨中輟遂同游李園

忽拋雲水就園林老綠連畦野屋深秋暑漸闌宜作健  
涼陰如畫耐追尋小邱亦寄登臨感幽鳥能諳去佳心

說與龍州翁一笑眼中煙樹是遙岑

太夷大同游八里潭有句云彌望高

樓亦暮岑此間煙樹蔽虧遠  
矚竟如列岫似視高樓為勝

寒碧移夜坐以詩牌限字得詩三首

靜籟爭遙夜三更月繞松枝新山鵲聚莎淨渚雲封顏  
鬢貧能練衣冠拙自容薜箋仍許賦九畹寄迷蹤

一榻支長夏書堂曳屐頻騷心翻野笛客恨散吟巾破  
笑真非偶留芳故有隣世途吾亦畏門外即川津

庵居驚歲久籬樹接蒼茫詩壘餘都雅仙鄉任閉藏不



癡宜絕物少酌已知狂獨抱橫流怨寒林欲雨霜

哭浪公

妻孥怪我忽沾衣哀過吾情或見譏亂世全歸甯不幸  
心交頓盡欲誰依病中三過知君憊眼底羣流似此稀  
往日醇醪風味在餘悲未信酒能揮

中秋夜同息厂小園對月

無月失昨游不期得今賞小園屋蔽虧宜月一亭朗林  
影落我衣風來微眩晃秋氣靜始知莎蛩無輟響世情  
苦趨喧列坐但三兩何從得詩趣浪公忽已往

浪公曾以詩趣

名吾亭

月情與歡意彼此異消長節物強周旋慰君亦自  
廣入世出世間有因輒成想迢迢兜率龕微吟寄脩悅

自津赴京車中遣悶

車路今無滯橫行我亦驕墨雲沈廢壘鏡潦接長橋雜  
坐知誰子孤吟足永朝郊原看不極寒籟正調刁  
衰親勞望眼病妹尚支離未了浮生事何論五嶽期避  
名非傲世樂志或違時塊坐千般意風林倦鳥知

嘯龍舅氏歿半載矣追憶述哀

前者歌于後者喁當時奇服有奇逢

曩同試大學各為  
倣詭之文名次適

相上下龍舅有句云前者歌  
于後者喁果然上下逐雲龍

埋名病裏身甘廢散畫生

前計豈憊

所藏書畫生  
前斥賣殆盡

無忌可能真似舅

舅恆述劉  
牢之語

於

陵未許老為傭

舅於國變後傭書  
自給旋以病廢

平生正有難馴在末

世何人解好龍



滄趣海藏二丈招集李園登高以病未赴

窮涯與山隔登頓安所如二老就我謀意恐幽事疏招邀李氏園疊阜臨清渠種蘆頗勝竹瑟然秋雪初集者

廿二賢茗飲相依於餘情踵柏梁天風落瓊琚

是日同人依柏

梁體聯句

始謀干物忌二豎獨僭予耽游與工病此理疑乘

除羣公解相慰談笑喧蓬廬

息丁埭山詞白叔掖諸君李園歸後見過

蓬廬

亦云樂何必逍遙墟詰朝散頑痺樓小春遽遽緘詩謝  
二老跬步非天歟

病中寫懷

麤茶淡飯亦何求瘦影伶俜戀一樓漸信懶眠能送日  
頗疑積慘併成秋堆牀亂帙閒相伴撼屋顛風晚更遒

還遣花傭收菊本病中心力未全休

曼仙前輩屬題先德銅官感舊圖

元臣繫中興垂翅事之偶不死是有天援溺特假手功  
成隔雲泥前事肯挂口僚底晚浮湛硜硜見孤守銅官  
無恙在歸棹低徊久圖成復自記大旨本忠厚相公一  
代賢咄咄負此友時流較施報卑論抑可醜同輩皆爲  
肩易世知誰某功名身外事立德終不朽

次和太夷丈李園紀游

渺渺入煙鄉叢蘆盡戴霜艇荒栖晚渚塔瘦立殘陽散  
策身能健尋詩夢亦涼眼明一灣水誰解置漁莊

次和息尸城南訪菊兼呈太夷



傾都招邀看鬪菊病不能從愧我獨新詩入手狀霜妍  
眩晃千葩各攢簇大者盤盂小者鈴絢紫烘黃掩叢綠  
時流評品特強名佳種矜張比令僕

聞評菊者甄采  
佳種寵以名位

東

籬寒骨傲者徒碌碌浮榮甯挂目人間真菊古已少誰  
辨苦甘稽舊錄太夷嗜花關氣類却捨名園栖海曲園

英含怨待君歸對此儻回心未足昨叨佳飲與消灾

古俗

九日飲菊釀  
為消灾飲

自笑孱吟甘負腹吾廬數叢亦殊豔睥睨

霜風企高躅期君大節晚更成頌以松喬勿笑俗

用成  
公綏

菊頌  
語

### 冰社初集追懷浪公

社寒名亦寒名者惟李子世間紛夏蟲咄哉孰語此篋

衍去年詩敗葉忍輕委君病獨健吟夜吟恆晏起我詩  
鬱以悲君意殊不喜直諒能幾人嗟君竟長已故居長  
秋蓬喪歸孥亦徙永念錢菊歡去年君攬揆

羣處不知歡一別艱再面酸淚我未乾幽宮君已奠世  
亂置身難安藏或可羨吾儕尚露車何心事酣讌有舉  
期勿廢耿耿寄餘戀同社皆英流我狂君近狷英靈在  
天地孤尚知不變百年逆旅身同盡孰後先不飲復何  
為霜夕風燈顫

熊襄愍公獄中作顛倒行送滿太僕朝薦南歸詩  
卷潛若同年屬題敬步原韻

一身成敗何足論楚人至今思大閹罔卿經略皆楚產



堂堂片什留精魂閭庸共事得不敗海藏跋尾誠知言

勅控三方靳兵一

公謂勅控三方而乃一兵一騎請討不得

遑計什三與什

七

原詩云君得什三臣什七

輔臣臺臣皆媚嫉鍛罪何關廣甯失坐

職議始徐大化未聞爰書究虛實寸丹忍死報天王豈

料此篇成絕筆吁嗟乎黨禍璫權明運舛帖括論人見

尤短

公謂拾帖括語徒亂人意

公知事去真具眼責戰紛紛方左袒

願為良臣忠亦難

原詩句

語出精誠無憤懣常侍阿保彼

何人亡國豈不由諸臣罔卿救公直救國奮簡不畏雷

霆瞋神羊露角等摧折踞閭羣獬鳴狎狎幽扉一別隔

存沒德星亦類參與辰展卷如聞吟嘯喈藏之潛園重

司籍脫文二百三十二蠹缺哀殘餘歎惜人生死所良

獨難不從巡遠從逢干欲招騷客蹇荃蘭楚江日暮多  
愁瀾世途顛倒復顛倒想公騎麟來去怒髮還衝冠楚  
弓楚得當寶此明祚雖傾公不死五彪十狗死已遲未  
必全軀保妻子

先中丞公手鈔十三經重訂告成徵同社題詠敬

紀以詩

休官三十年再起建旄節躡榮豈所期肝膽拚一決三

復兵間書字字含淚血

中丞公從軍時  
家書載在宗譜

本原繫經訓用

意非剽竊秘鈔出蠹餘見者為撝舌清時講席崇課士  
此圭臬有恆世已難妙楷况精絕道行足濟屯道喪甘  
守缺大儒出處間落落見風烈世變甚秦燔羣言方待



折寶此詔後昆傷哉躬不閱

仁和

謂王文勤

公所薦風節初不著驟聞廢科目抗議遽引

去科目詎云重名教遂淪黜讀經足救國世論病其固

橫流孰障之未可諉氣數窮居誦先芬一靜絕衆慕聖

者言之凡所得匪章句鼇峰迹如削太息兵塵汚

中丞公嘗

講學於鼇峰書院

完帙得非天可喜亦可懼裝池秉庭訓世業

忝專付持證獨往心未悔儒冠誤

### 冬日絕句

糝雪閒供木屑斲泥自護花根鳬鶴底爭長短燕蝠且

了朝昏

簷雀支風都噤窗蠅向日還飛喧寂休參我相慘舒等

是天機

石几茶香初定地爐松火微明栩栩羨渠蝶夢喈喈和我雞聲

隔戶搖鈴賣卜穿衢鳴笛驅車土銚午炊熟後繩牀曉夢醒初

徑僻園僮懶掃門閒隣叟還來破寂偶招汐社逃憂便是謠臺

帖墨儘供插架誥綾賸與糊窗夢裏清都絳闕眼中青瑣滄江

坐對疏篁如畫悟來枯木非禪拙計但行我法狂才不受人憐



乞軸兒頑誰問應門奴老休嗔自笑如木居士相伴有  
石丈人

晷晷量愁偏永顛風撼夢初迴甕酒正教骨醉爐香與  
表心灰

俗廢猶談寢鼓身閒但付觀棊物態暄淒易換天心剝  
復終疑

十二月十三日雪中同社集寒碧移用遺山繼愚  
軒和党承旨雪詩韻

歲晏衆芳歇歛性依寒蓬寒蓬轉朔吹槭槭鳴我宮了  
然清淨界紛瑳一以空黑鳥與白鵠孤尚難苟同搜腸  
鬪圭璧詩拙甘坐窮古來幽憂者癡絕馮敬通魚羔且

為樂有淚勿霑胸

犯寒立斯須凍肌忽生粟招手雲中仙樓臺倚羣玉浮  
生正多累周妻與何肉願及此身閒翩然訪林屋掬泉  
與洗心采杞堪充腹徇物紛營營知足無不足草中有  
後凋澹然對鉞菊

用東坡語

頑雲蔽九野幻態交崢嶸冥冥天欲墮奮臂誰與撐霜  
街黯向夕拂瓦竿燈熒道旁無褐子裂肝方哀鳴勢孤  
衆所棄身賤命亦輕長官務苛歛谿壑以取盈陰陽有  
幹運疢痼終難平

三白昔云瑞吾意豈其然蹉跎了今日誰復知明年羈  
居集百憂何止歸無田有田委榛棘豐嗇甯關天平生



所歷境嘗膽心猶懸窮鱗得杯水吻沫終相憐一寒有  
幽事肯為塵機牽

費宮人故里歌

孟蜀解甲無男兒朱明殺賊獨女子白河孤月白於霜  
至今猶照貞娥里十八孩兒飛入燕棋山春暮聞啼鵲  
貞娥矯稱長公主意在殲渠不在虎中宵屠虎如割羊  
終以清白從先皇紛紛溝瀆死何益智勇能全乃無匹  
恨身不從石砧軍手提長劍迴風雲幸身不為懿安后  
九死艱難懸賊手吁嗟乎田家妃子寵專房鐵獅故邸  
空斜陽人生報主惟一節國士衆人終曲說

雪後登瓊島

瓊華如美人娟娟立冰雪蹋冰造巖趾銀海寒正澈  
谿折更高漸爾攀嵒嶺誰云非真山撐胸亦斗絕  
裊裊望故苑含恨不可說眼中太素境念我久緇  
涅往者逴暑游喧寂趣已別恨不雪中來檜頂看  
飄瞥西山儻笑孱託興但邱垤猶能敵朔風恃此  
肝腸熱

詵兒久淹郎署意不自得作此廣之

我年如爾年橐筆犯邊雪爾今作潛郎疲轅困  
深轍遭遇是有天崎嶇難自列鵬鶚方貪飛苟  
全在修潔虛名不足取衣食幸無缺浮生傀儡  
場况今多赤舌戰氛亘長河浩浩流怨血天理  
久疑誣人道亦瀕滅不辰生此世未易安危決  
無辱足當貴棄智姑任拙試觀躋垤者



大抵追風傑名高謗即隨心  
狷膽更劣不願子榮通願  
子守門闌立命非宕言士窮乃見節


歲闌錄近作竟附綴小詩

栖栖人海歲將闌歸日梅花一笑看身外萬緣姑撥置  
眼前奇福是平安

一廬老我海雲邊誰識金門舊散仙  
自有閒人間事業  
新詩結束又今年

龍顧山房詩集卷八





龍顏山房詩集卷八





